

DODATAK

GRAČANIČKI GLASNIK
časopis za kulturnu
historiju

Broj 43, godina XXII
maj, 2017.

© Monos 2017

Glosar novih autora

Saneta Adrović, viši arhivist, rođena 1970. godine u Beranama, Crna Gora. Osnovnu i srednju medicinsku školu završila je u Tuzli, pedagošku akademiju, odsjek hemija – biologija, na Nastavničkom fakultetu Univerziteta "Džemal Bijedić" u Mostaru, a Ekonomski fakultet na Ekonomskom fakultetu Univerziteta u Banja Luci 2007. godine. Stručni arhivistički ispit položila je 2008. a zvanje «viši arhivist» je stekla 2014. godine. Zaposlenik je JU Arhiv Tuzlanskog kantona od 2002. godine. Aktivno je učestvovala u pripremi i realizaciji međunarodnih arhivskih savjetovanja "Arhivska praksa", održanih u periodu od 2003. do 2014. godine, kao član Organizacionog odbora. Objavila je više stručnih radova (članaka i prikaza) iz oblasti arhivistike, a autor je i/ili koautor nekoliko arhivskih izložbi. Učestvovala je na više stručnih i naučnih skupova i savjetovanja u Bosni i Hercegovini i u inostranstvu.

Safet Berbić, profesor književnosti, romansijer, pripovjedač i slikar rođen je u Tuzli 1964. godine. Osnovnu školu i gimnaziju pohađao je u Banovićima, a književno obrazovanje stekao na odsjeku za Jugoslavenske književnosti i hrvatskosrpski / srpskohrvatski jezik na Pedagoškoj akademiji u Tuzli i Filozofskom fakultetu u Novom Sadu. Objavio je više priča i pripovjedaka, jednu zbirku proze i tri romana proznih tekstova (pripovijetka) u više listova i časopisa, jednu zbirku Autor je brojnih publicističkih tekstova, filmskih scenarija itd. Živi i radi u Banovićima (vidi opširnije u rubrici "Riječ" u ovom broju našeg časopisa).

Mirsad Čamdžić, novinar, rođen 1966. godine u Gračanici, gdje je završio osnovnu školu. Srednju elektro-tehničku završio u Gračanici, a potom željeznički smjer u Sarajevu. Kao mašinovođa radio do početka rata 1992. godine, kada se slučajno našao na novom poslu – ratnog reportera i voditelja radija. Od tada i počinje njegova novinarska karijera. U međuvremenu se stručno usavršavao na poslovima radio novinara i završio fakultet žurnalistike na FPN u Sarajevu. Njeguje originalan radiofonski izraz i bira neobične teme o neobičnim ljudima o kojima objavljuje reportaže sa humanom porukom. U posljednjih nekoliko godina ogledao

se i u političkom životu. Član je predsjedništva Naše stranke i vijećnik u dva mandata u Općinskom vijeću Gračanica.

Zenita Fazlić, magistar historije, rođena 1988. godine u Tuzli. Nakon završene osnovne i škole i pedagoške gimnazije upisuje studije i uspješno završava Filozofski fakultet Univerziteta u Tuzli–Odsjek za historiju. Na istom fakultetu završava postdiplomski studij 2015. godine, odbranivši magistarski rad pod naslovom “Austro–Ugarska politika prema Bosni i Hercegovini pred početak Prvog svjetskog rata (1912–1914)” čime je stekla akademsko zvanje *magistar historije*. U međuvremenu, nakon obavljene odgovarajuće prakse, položila je stručni ispit za profesora historije i stručni bibliotečki ispit. Do sada je objavila nekoliko prikaza knjiga i stručnih radova i uzela učešća na nekoliko naučnih skupova iz oblasti historije.

Larisa Softić-Gasal, doktor humanističkih nauka iz područja književnosti, rođena je u Gračanici 1974. godine, gdje je stekla osnovno i srednje obrazovanje. Filozofski fakultet završila u Tuzli, a magistrirala na Akademiji dramskih umjetnosti, takođe u Tuzli. Doktor je humanističkih nauka iz područja književnosti. Bavi se književnim i naučnim radom, objavila je knjigu poezije i kratke priče, te više stručnih radova u raznim edicijama i časopisima. Učestvovala na više naučnih i stručnih skupova. Živi i radi u Tuzli. (vidi opširnije u rubrici “Riječ” u ovom broju našeg časopisa).

Alma Hasukić, prof. bosanskog jezika, rođena je 1987. godine u Gradačcu. U rodnom mjestu završila osnovnu i srednju školu. Godine 2009. završila je dodiplomski studij (profesor bosanskog jezika i književnosti) a 2013. godine postdiplomski studij (magistar humanističkih nauka iz područja književnosti) na Filozofskom fakultetu Univerziteta u Tuzli. U časopisima iz BiH (*Bosanski jezik*, *Lingvazin*, *Zeničke sveske*) objavila je tekstove o savremenom bh. ženskom dramskom tekstu. Predmet interesovanja su joj problemati-

ke subjektiviteta, feministička teorija, rodni i kulturalni studiji. Živi i radi u Tuzli.

Senahid Kahrimanović, državni namještenik (penzioner), rođen 1954. u Stjepan Polju kod Gračanice, gdje je završio osnovnu i srednju školu. Kasnije se doškolovavao u Zagrebu, Banja Luci i Beogradu, gdje je 1981. godine završio novinarsku školu i osposobljen za rad u sredstvima informisanja. U svom radnom vijeku obavljao je razne poslove, ali se “s pisanom riječju družio još od osnovne škole”, sarađivao je u mnogim listovima i časopisima, pred rat izdavao lokalni bilten u rodnom selu. Bio je vrlo aktivan kao sportista (košarkaš), radio u raznim omladinskim klubovima i udruženjima. Pred rat se uključio u društveno-politički rad, a nakon rata nastavio sportske aktivnosti. Objavio je nekoliko knjiga od kojih vrijedi spomenuti memoarsko-historijsku publikaciju sa ratnom tematikom pod naslovom “Moja zona odgovornosti” (2008.), knjigu “Kako doživjeti stotu i pri tom radovati se životu” u kojoj piše o vlastitom angažmanu na očuvanju zdravlja, zdravoj prehrani, življenju s invaliditetom, izgradnji vlastitog životnog stila, upotrebi ljekovitog bilja (2009), te posljednju knjigu lirske proze “Kuća moje majke” (2017)

Amer Maslo, prof. historije, je rođen 6. jula 1994. godine u Suhodolu (općina Hadžići). Osnovnu školu je završio u Tarčinu, a zatim Gimnaziju u Hadžićima. Na Odsjeku za historiju Filozofskog fakulteta u Sarajevu diplomirao je 2016. godine. Trenutno je student drugog ciklusa na istome Odsjeku. Područje njegovog interesovanja je historija Bosne u 14. i 15. stoljeću. Sudionik je programa “Balkan Youth School” u organizaciji Centra za napredne studije u Sarajevu i Ureda za tursku dijasporu i srodne narode Vlade Republike Turske. U naučnoj periodici je objavljivao prikaze novijih izdanja iz struke. Izdavaо: “Синиша Мишић (ур.), Власт и моћ, Властела моравске Србије од 1365 до 1402. године, Народна библиотека Крушевац – Центар за историјску географију и

демографију, Филозофски факултет Универзитета у Београду, Крушевац, 2014, 397стр.” у: *Radovi Filozofskog fakulteta*, Knj. 4 (Historija, Historija umjetnosti, Arheologija), Sarajevo, 2016, 279-282.; “Ђуро Тошић (ур.), Зборник радова у част академику Десанки Ковачевић Којић, АНУРС, Бања Лука, 2015, 616 стр.” у: Bosna Franciscana, br. 45, Sarajevo, 2016.

Dr. sc. Elijas Tauber, научни saradnik u Institutu za istraživanje zločina protiv čovječnosti i međunarodnog prava Univerziteta u Sarajevu i Savjetnik za kulturu i religiju Jevrejske zajednice BiH. Rođen je u 1950. godine, u Sarajevu. Završio je Prvu gimnaziju u Sarajevu, a potom Fakultet političkih

nauka, odsjek Žurnalistika. Magistrirao je na temi: Istorija jevrejske periodike u Bosni i Hercegovini u periodu 1900-1941. godine, a doktorirao na temu Kako se sprovodio holokaust u Bosni i Hercegovini na Odsjeku za historiju Filozofskog fakulteta u Sarajevu. Autor je brojnih naučnih radova, knjiga i izložbi: Leksikon Judaizma; Kada su komšije bili ljudi; Holokaust u Bosni i Hercegovini; Jevrejska prezimena u arhivskim dokumentima Bosne i Hercegovine; Jevrejska štampa u BiH; Jevrejskošpanski jezik u Bosni i Hercegovini; Zeki effendi... Dr. Tauber je član Naučno-umjetničkog savjeta Univerziteta u Sarajevu.